



Inatsisartunut ilaasortaq Gerth Mikaelson
-/ MAANI

Tasiilaq kommunitut pillugu § 37 naapertorlugu apeqqut 2026/92-imut akissut

Matumuuna apeqqutitut ataaniittunut akissut nassiunneqarpoq.

1. Kommuni agguataarneranni kommuniniit kommuninut 2009-p kingornani qanoq annertutigisunik aningaasaliissutaasarpat?

2009-p kingorna kommuninut ataatsimoortumik tapiissutit tulluittuni allattorneqarput.

Brevdato: 15-06-2026
Sagsnr. 2026 - 10438

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Takussutissiaq 1. 2010-2026 kommuninut ataatsimoortumik tapiissutit

	Kommune Kujalleq	Kommuneqarfik Sermersooq	Qeqqata Kommunia	Qaasuitsup Kommune	Avannaata Kommunia	Kommune Qeqertalik
2010	111	260	141	273	-	-
2011	149	342	191	356	-	-
2012	150	354	194	359	-	-
2013	162	379	211	376	-	-
2014	185	417	237	439	-	-
2015	199	406	237	451	-	-
2016	216	378	249	480	-	-
2017	219	363	255	491	-	-
2018	237	438	283	-	329	229
2019	232	433	280	-	321	225
2020	229	441	280	-	321	229
2021	235	449	289	-	328	228
2022	247	488	300	-	349	231
2023	253	515	312	-	360	233
2024	262	546	326	-	376	241
2025	288	663	380	-	421	273
2026	274	639	363	-	405	254

Najoqqutaq: 2010-2026-mut aningaasanut inatsit

Nalit: akit ingerlaavartut, mio. kr.-nngorlugit DKK.

Mal.: Qulaani kisitsit Aningaasanut inatsimmit kisitsisaapput.

2. Tasiilap Kommunia kingumut pilersinneqaqqissappat qanoq annertutigisut atorfissaqartinneqassappat?

2015-imi Kommuneqarfik Sermersuup kangiata (Tasiilaq, Ittoqqortoormiit nunaqarfiillu eqqaannittut) kiisalu kitaata (Nuup, Paamiut nunaqarfiillu eqqaanniittut) aggulunneqarnissaanut tunngasumik Deloitte allakkiorpoq. Allakkiami Kommuneqarfik Sermersuup aggulunneqarnera ukiumut minnerpaamik 24-30 mio. kr.-nik¹ ukiumut aningaasartuutunik kiisalu minnerpaamik 18-24 mio. kr.-nik ataasiartumik aningaasartuuteqarnermik malitseqassasoq nalilerneqarpoq.

¹ Aningaasat nalingi: 2026 DKK

Tamatuma saniatigut BDO 2025-mi Tasiilap kommuniata namminersortup pilersinneqarnissaanik misissueqqissaarnermik suliaqarpoq. Sullissinerup taamaaginnartinneqarnera tunngavissaatillugu kommuni aaqqissuussaannikkut ukiumut innuttaasumut ataatsimut 17.000 kr.-nik² amigartooruteqassasoq, misissueqqissaarnerup takutippaa. Tamatuma saniatigut misissueqqissaarnerup piffissami suliffeqartut amerlanerisa nalaanni, kommunimit nuuttarneq siunissamilu pilersuisut nammatassaasa qaffariarnissaanik ilimagisaqarneq, kommunip aningaasaqarnikut inissisimaneranik suli ajorseriartitsissaneranik ilimagisaqarneq, BDO-erseqqissarpaa.

Nalunaarusiami Tasiilap namminersorluni kommuninngornermi aningaasartuuterpiaasumik allaaserisoqannginnera oqaatigineqassaaq. Akerlianik kommunip aningaasaqarnikkut inissisimanagera annertuumik tatineqassasoq, kiisalu pilersitsineq ilaatigut allaffissornermut kommunillu isumagisaanik pisariaqartunik atuutsitsinnarnermut annertuummik aningaasartuuteqarnerunermik malitseqassasoq nalunaarusiami tikkuarneqarpoq.

3. Naalakkersuisut Tasiilap Kommunian pilersinneqaaqqissinnaassappat, innuttaasut taasitinneqarnermikkut piimappata Naalakkersuisuniit ammaffigineqarpa?

Kommunit aaqqissugaanerisa pitsaanerunissannik kissaateqarneq Naalakkersuisut akueraat. Innuttaasut kommunip sullissineranik toqqissisimanartitaminnik misiginissaat, kommunillu innuttaasut naapertuuttumik pisariaqartitaannik naapertuuttumik pitsaassusilimmik sullissinissaa pingaaruteqarpoq. Taamaammat Naalakkersuisut politikikkut ataqatigiissarisooqatigiinni (PKG) kommuninik suleqateqarlutik aaqqissusseqqinnermik ataatsimiititaliamik, qanoq ilungersunartup taassuma passunneqarnissaanut siunnersuuteqarnissamik suliakkerneqartumik pilersitsipput.

Aaqqissuusseqqinnermut ataatsimiititaliaq isumaliutissiissutikkut kommunit aaqqissuuteqqinnissaannut kaammattuutunik suliaqassaaq. Isumaliutissiissut Politikikkut ataqatigiissarisooqatigiinnut Inatsisartunullu saqqummiunneqassaaq.

Isumaliutissiissut kommunit aaqqissuussaanageranut nutaamut, tamat oqartussaaqataanagerannik nukittorsaasumik, pisortanut tatiginninnerup annertusineranut peqataaqataasumut, nunatsinni inoqarfinni piffinni aalajangiisinnaassutsimik nukittorsaasumik kiisalu innuttaasunut iluaqutsiisumik suliannik pitsaanagerusumik ingerlatsinnermut peqataaqataasumik imaqassaaq.

Isumaliutissiissut kommunit pingaarnertut suliassai pillugit allattuiffimmik imaqassaaq. Allattuiffik taamaattoq ataatsimut atuuffinnik akisussaaffeqarfinnillu, kommunit inuiaqatigiinni atuunneranni toqqammaviusutut imaqartutut paasineqassaaq. Tassani isumagisassat innuttaasut tunngaviusumik pisariaqartitaannik atugarissaarnerannillu qulakkeerinninnissamat pisariaqartut, kommunillu siunertaminnik naammassinninnissamat minnerpaamik isumagisassaata pineqarput.

Kommunit tunngaviusumik isumagisassaannik aalajangersaaneq, suliassap pitsaanagerpaamik isumagineqarsinnaaffigisaanut inissinneqarnissaanik aallaaveqassaaq,


² Aningaasat nalingi: 2026 DKK

peqatigisaanillu kommunit aggulussimanerata allanngortinneqarsinnaanera ilanngullugu eqqarsaatigineqassaaq.

Aaqqissuusseqqinnermut ataatsimiititaliap Politikikkut ataqatigiissarisut qullersarai, ingerlaavartumillu tassunga nalunaarusiortartussaavoq. Politikikkut ataqatigiissarisooqatigiit ataatsimiititaliap inaarutaasumik isumaliutissiissutaanik akuersisussaavoq, kingornalu taanna Inatsisartunut nassiunneqassaaq.

Kingornalu kommunit aaqqissuussaanerat allanngortinneqassanersoq Inatsisartut aalajangissavaat.

Inussiarnersumik inuulluaqqusillunga



Aqqaluq B. Egede